

GJENDJA ME GRIPIN NË REPUBLIKËN E MAQEDONISË SË VERIUT, SEZONI 2025/2026

(java e tretë, deri më 18.01.2026)


TË DHËNA JAVORE

Gjatë javës së tretë të vitit 2026 (nga 12.01-18.01.2026) në Republikën e Maqedonisë së Veriut janë raportuar 2.062 ($I=112,3/100.000$) raste të të prekurve nga gripi/sëmundjet e ngjashme me gripin, për 11,2% më pak se javën që shkoi (2.322).

Në javën e tretë të vitit të kaluar janë regjistruar 1.412 të sëmurë (rritje për 46,0%), ndërsa krahasuar me modelin për 15 sezonet e fundit (2.215) është regjistruar një rënie prej 6,9%.

Incidenca e aktivitetit sezonal të virusit të gripit ($I=22,03/100.000$) gjatë javës së tretë është mbi kufirin javor për aktivitet mesatar $I=90,84/100.000$.

Grafiku 1. Intensiteti dhe shpërndarja javore e të sëmurëve nga gripi/sëmundje të ngjashme me gripin sipas lakores epidemiologjike 2010-2025, sezoni 2024/2025 dhe sezoni 2025/2026




Sa i përket grupmoshës, tek grupmosha nga 15-64 vjet janë regjistruar 1.274 të sëmurë, ndërsa tek grupmosha mbi 65 vjet – 266, tek grupmosha 5-14 vjet - 243 dhe tek grupmosha 0-4 vjet – 279 të sëmurë.

Personat e sëmurë të kësaj jave janë regjistruar në 29 QSHP/NJR, pra në Shkup – 556, Tetovë – 146, Ohër – 142, Manastir - 139, Kumanovë – 137, Prilep – 115, Shtip – 110, Kavadar – 102, Veles – 96, Strumicë - 85, Dibër – 75, Sveti Nikole – 59, Gostivar – 52, Radovish – 33, Negotinë – 30, ndërsa në Gjevgjeli, Vinicë, Strugë, Prespë, Kërçovë, Krushevë, Kratovë, Makedonski Brod, Probishtip, Dellçevë, Kriva Pallankë, Koçan, Demir Hisar dhe Berovë numri i të sëmurëve është nën 30.

Në 4 QSHP/NJR është regjistruar aktivitet shumë i lartë i virusit të gripit, në 3 aktivitet i lartë, në 11 aktivitet mesatar, në 9 njësi aktivitet sezonal, ndërsa në 2 është regjistruar aktivitet shumë i ulët i virusit të gripit.

Hartogrami 1. Niveli i aktivitetit të gripit dhe incidenca në 100.000 banorë, java tretë, 2026



Gjatë javës së tretë të raportimit të vitit 2026 janë raportuar dy raste të vdekejs si pasojë e gripit, një grua në moshë 75 vjet nga Shkupi dhe një burrë në moshë 69 vjet nga Kavadarci, të dy të shtruar në Klinikën Universitare të sëmundjeve infektive dhe gjendjeve febrile në Shkup, me komorbiditete dhe të pavaksinuar me vaksinën kundër gripit sezonal. Tek të dy rastet është konfirmuar Influenza A.

Mbikëqyrja virologjike

Gjatë javës së tretë të raportimit pranë pranë laboratorit të virologjisë të ISHPRMV-së kanë arritur 81 materiale për analiza laboratorike për gripin, paralelisht të analizuar për Influenza, SARS-CoV-2 dhe/ose RSV.

Nga materialet e testuara 19 kanë rezultuar pozitiv për prani të virusit të gripit - 9 Influenza A(H3), 8 Influenza A(H1)pdm09, si dhe 2 raste Influenza A e pasubtipizuar.

Nuk është regjistruar rast pozitiv me SARS-CoV-2.

Janë regjistruar edhe 5 raste pozitive me RSV.

MBIKËQYRJA EPIDEMIOLOGJIKE - TË DHËNA KUMULATIVE


Gjatë sezonit 2025/2026 numri i përgjithshëm i të prekurve nga gripi/sëmundje të ngjashme me gripin është **8.209 (I=446,9/100.000)**.

Krahasuar me periudhën e njëjtë të sezonit të kaluar (n= 3.820) numri i rasteve të raportuara është rritur për 2,1 herë, ndërsa krahasuar me modelin për 15 vitet e fundit (n= 7.057) është regjistruar një rritje prej 16,3%.

Të sëmurë janë regjistruar në gjithsej 30 QShP/NjR. Numri më i madh i të sëmurëve (n=2.136) është regjistruar në Shkup, ndërsa incidencë më e lartë kumulative (I=1.444,0/100.000) në Makedonski Brod.

Sa i përket shpërndarjes të të sëmurëve sipas grupmoshës, numri më i madh i të sëmurëve bëjnë pjesë në grupmoshën që përfshin numrin më të madh të popullatës (nga 15-64 vjet) – 4.812 raste (58,6%), ndërsa incidencë më e lartë (693,6/100.000) është regjistruar tek grupmosha 5-14 vjet.

Grafiku 2. Shpërndarja e rasteve me grip sezonal sipas QSH/MJR dhe incidenca në 100.000 banorë, sezoni 2025/2026



Shpërndarja e rasteve sipas muajve:

- tetor – 338 raste ose 4,1%
- nëntor – 438 raste ose 5,3%
- dhjetor – 1324 raste ose 16,1%
- janar – 6.109 raste ose 74,5%

Deri më tani janë regjistruar 3 raste të vdekjes si pasojë e gripit.

МБИКËQYRJA VIROLOGJIKE – ТË DHËНА KUMULATIVE

Deri më tani në sezonin 2025/26, pranë laboratorit të virologjisë në Institutin e Shëndetit Publik të RMV-së kanë arritur 596 materiale nga mbikëqyrja rutinore dhe SARI për analiza laboratorike për gripin, paralelisht të analizuar për Influenza, SARS-CoV-2 dhe/ose RSV.

Janë zbuluar 84 raste pozitive të gripit:


o Influenza A – 84

- Influenza A(H1)pdm09 – 20 (23,8%)
- Influenza A(H3) – 52 (61,9%)
- Influenza A – несубтипизиран – 12 (14,3%)
- Influenza B – 0

Janë regjistruar 6 rezultate pozitive për SARS-CoV-2 dhe 26 pozitive për RSV.

Janë detektuar edhe 5 viruse të tjerë respiratorë tek mostrat e testuara.

Grafiku 2. Shpërndarja javore e numrit dhe përqindjes të mostrave pozitive të gripit, mbikëqyrja rutinore dhe sentinel, RMV, 2025/2026



KOMENT EPIDEMIOLOGJIK

Vihet re një rënie e butë e numrit dhe incidencës të sëmundjeve të ngjashme me gripin në nivel javor, numri i rasteve të raportuara . Gjatë javës së tretë është regjistruar aktivitet mesatar i virusit të gripit në vendin tonë. Rezultatet e fituara nga mbikëqyrja virologjike tregojnë se ka një përhapje rajonale të virusit të gripit. Përqindja e ratseve pozitive për katër javë me radhë është mbi 10%.

Sipas të dhënave të pranuar në Maqedoni ka një intensitet të lartë të virusit të gripit.

MASA TË PËRGJITHSHME PËR PARANDALIM

*Burimi: <https://sezonskigrip.mk/>

Masat e përgjithshme për mbrojtje nga gripi kanë për qëllim parandalimin e të gjitha sëmundjeve akute të frymëmarrjes dhe mund të jenë shumë të dobishme, veçanërisht nëse zbatohen gjatë gjithë periudhës së dimrit:

- Evitoni grumbullimin dhe qëndrimin në dhoma ku qëndrojnë më shumë njerëz, sidomos kontaktin e ngushtë me njerëz që janë të sëmurë ose që kolliten, teshtijnë, kanë temperaturë të lartë të trupit.
- Lani duart shpesh me sapun dhe ujë ose me dezinfektues.
- Ngrohni dhomat në të cilat qëndroni dhe ajrosini ato shpesh.
- Këshillohet të vishni rroba të ngrohta, në disa shtresa, të bëni banjo të ngrohta.
- Pini pije të nxehta (çajra dhe supa), lëngje frutash, ujë me limon.
- Hani produkte të freskëta të pasura me vitamina dhe minerale, më së miri fruta dhe perime që janë më të mira e të nevojshme për trupin. Produktet e pasura me vitaminë C (limona, portokalle) janë veçanërisht të dobishme. Nëse produktet ushqimore të freskëta nuk janë gjithmonë të disponueshme, mund të përdoren edhe pije dhe prepare multivitaminike.
- Praktikoni një stil jetese dhe zakone të shëndetshme, duke përfshirë këtu gjumin dhe pushimin e mirë, të ushqyerit e shëndetshëm, ruajtjen e aktivitetit fizik dhe mendor dhe uljen e stresit.

Sistemi i fortë imunologjik do t'ju ndihmojë të qëndroni të shëndetshëm ose ta përballoni më lehtë gripin dhe sëmundjet e ngjashme me gripin. Megjithatë, edhe nëse jeni plotësisht të shëndetshëm dhe keni një sistem imunologjik të fortë, prapëseprapë mund të sëmureni me grip ose një sëmundje të ngjashme me gripin.

Çfarë duhet të bëni nëse sëmureni nga gripi?

Ndiqu këto rekomandime:

- Qëndroni në shtëpi dhe mos shkoni në punë, shkollë ose në vende ku ka shumë njerëz.
- Pushoni dhe konsumoni shumë lëngje dhe ushqime të lehta.
- Shmangni kontaktin e ngushtë me njerëzit me të cilët jetoni, mos pranoni vizitorë ndërsa jeni të sëmurë.
- Mbuloni hundën dhe gojën me një pecetë kur kolliteni dhe teshtini. Pas përdorimit, hidhni ato në plehra.
- Mbani maskë mbrojtëse kur kontaktoni me të afërmit tuaj në shtëpi, kur kolliteni dhe teshtini.
- Praktikoni larjen e shpeshtë dhe të plotë të duarve me ujë të ngrohtë dhe sapun.
- Përdorni peceta të lagta që përmbajnë alkool ose dezinfektues për pastrimin e duarve.
- Shmangni prekjen e syve, hundës dhe gojës me duar.
- Ajrosni shpesh dhomën ku qëndroni gjatë kohës që jeni të sëmurë.
- Mbajeni mjedisin tuaj të pastër - objekte, sipërfaqe, me produkte higjienike shtëpiake.
- Nëse jeni mbi 65 vjet ose keni sëmundje kronike, ose nëse simptomat e sëmundjes përkeqësohen ose zgjasin për disa ditë - kërkoni ndihmë mjekësore.

VAKSINIMI KUNDËR GRIPIT SEZONAL

Vaksinimi kundër gripit është mbrojtja më e mirë nga kjo sëmundje, prandaj Instituti i shëndetit publik e rekomandon atë për të gjithë popullatën, sidomos për personat që përkasin në grupet vullnerable (sipas rekomandimeve të OBSH-së):

- Personat e moshuar (mbi 65 vjet)

- Fëmijët në moshë nga 6 deri në 59 muaj
 - Personat mbi 6 muaj e me sëmundje kronike
 - Gratë shtatzëna dhe
 - Punonjësit shëndetësorë.
- ❖ Për sezonin 2025/2026, Ministria e shëndetësisë siguroi 80.000 doza të vaksinë katërvalente falas për grupet prioritete të popullatës.
- Vaksinimi kundër gripit për sezonin 2024/2025 filloi në 16.10.2024 dhe zbatohet në Shtëpitë e shëndetit dhe/ose Qendrat e shëndetit publik me Njësitë e tyre rajonale. Vaksinimi i punonjësve shëndetësorë do të bëhet në Institutin e Shëndetit Publik. Caktimi i termineve për vaksinat falas bëhet nëpërmjet uebfaqes www.vakcinacija.mk.
- Sipas të dhënave të Drejtorisë për Shëndetësi Elektronike, nga fillimi i vaksinimit e deri në përmbylljen e këtij raporti **gjithsej janë vaksinuar 77.245 persona të kategorive të cënueshme të popullatës me vaksina falas.**
- ❖ 2.400 vaksina komerciale shtesë janë siguruar nga ana e Qendrave të shëndetit publik si vaksina për pjesën tjetër të popullatës dhe ato mund të merren për një kompensim financiar të caktuar në Qendrat e Shëndetit Publik dhe Njësitë e tyre rajonale.
- Sipas të dhënave të Drejtorisë për Shëndetësi Elektronike **me vaksina komerciale janë vaksinuar gjithsej 1.833 persona. Në Maqedoninë e Veriut janë vaksinuar gjithsej 79.078 persona me vaksina falas dhe vaksina komerciale.**

RAJONI EVROPIAN

*Burimi: <https://erviss.org/>

Sipas Raportit të ERVISS të publikuar në javën e dytë të vitit 2026:

- Shkalla e morbiditetit të gripit (ILI) dhe /ose infeksioneve respiratore akute (ARI) është rritur mbi nivelet bazë në 26 nga 33 vendet rajonit evropian të OBSH-së që raportojnë.
- Aktiviteti i gripit në nivel rajonal tregon shenja të stabilizimit, por mbetet i lartë dhe i shpërndarë gjerësisht në kushte të testimit të ulët në periudhën e festave të fundvitit dhe variacioneve të mëdha me vendet në fazat e ndryshme të epidemive të tyre sezonale.
- Personat mbi 65 vjet vazhdojnë të përfaqësojnë numrin më të madh të personave të hospitalizuar si pasojë e gripit.
- Gripi i tipit A (H3) mbetet virusi mbizotërues në qarkullim, por qarkullon edhe A(H1).
- Indikatorët rajonalë të aktivitetit të SARS-CoV-2 kanë rënë dhe janë në nivel bazik.
- Përqindja e raste e pozitive me RSV është rritur tek pacientët e mbrojtjes shëndetësore primare, por stabil në spitalet sentinel. Fëmijët në moshë nën 5 vjet vazhdojnë të përbëjnë numrin më të madh të rasteve.

**Departamenti i epidemiologjisë të sëmundjeve ngjitëse
Instituti i Shëndetit Publik**